

TEZAUUR LITURGIC

17 IULIE

**ACATISTUL
SF. MARI
MUCENIȚE
MARINA
DE LA
ANTIOHIA
PISIDIEI**



TBILISI, 2000



დაუჯდომელი საგალობელი წმიდისა დიდისა მოწამისა მარინესი

კონდაკი 1

წმიდათა შორის საკვრველებითა დიდებულო და
ქალწულთა შორის კეთილმსახურებითა
განბრწყინვებულო, დიდო მოწამეო მარინე, შეიწირე
სადიდებელი გალობაჲ ჩუენი, და მკურვალითა
შუამდგომლობითა წინაშე ღმრთისა ყოვლისა
განსაცდელისა და სნეულებისაგან გვკსენ ქებით
მგალობელნი შენნი: გიხაროდენ, დიდო მოწამეო
მარინე, ყოვლად ქებულო სძალო ქრისტეს ღმრთისაო!

იკოსი 1

ანგელოზთა შემოქმედმან გულსა შინა შენსა აღანთო
რაჲ საღმრთოდ ცეცხლი ღმრთეებრივისა მადლისაჲ,
არად შერაცხენ შენ რისხუაჲ მამისაჲ და დაკსენ
ყოველი სიბნელს საცთურისაჲ, რამეთუ მამამან
შენმან უარგყო შენ, გარნა შენ არა უარყავ
სარწმუნოებაჲ ჭემმარიტი, არამედ ფრთოვანყავ
გონებაჲ შენი სათნოებათა აღმატებითა და იქმენ ზიარ
საღმრთოდსა დიდებისა, ამისთჳსცა ენასა ჩუენსა მოეც
ძალი შემკობად ღუაწლისა შენისა:

გიხაროდენ, სიყრმითგან სათნოებისმოყუარეობითა
განშუენებულო;

გიხაროდენ, ურწმუნოთა შორის წმიდად და
შეურყეველად ცხორებულო;

გიხაროდენ, სასოებითა საუფლოდთა და
კეთილმსახურებისა სიმჴნითა აღვსებულო;

გიხაროდენ, სიყუარულითა საღმრთოდთა ცეცხლებრ
შჴდწილად აღგზებულო;

გიხაროდენ, ყოვლითა სიკეთითა აღმატებულო;

გიხაროდენ, მადლისა კეთილმოქმედებითა
განათლებულო;

გიხაროდენ, ღმრთისა მიერ წარმართთაგან
გამორჩეულო;

გიხაროდენ, უბიწოებითა და ერთგულებითა
განბრწყინვებულო;

გიხაროდენ, საკვრველო ყრმააო, მძლეთა უმძლესად
გამოჩინებულო;

გიხაროდენ, სანუგეშოდ ეკლესიისა და
განსაშუენებელად ანტიოქიისა გამობრწყინვებულო;

გიხაროდენ, ვარსკულავო, ჴსნისა მეძიებელთათჴს
გზისა მაჩუენებელო;

გიხაროდენ, სულ-მოკლეთა და უგულისჴმოთათჴს
მაგალითისა მიმცემელო;

გიხაროდენ, დიდო მოწამეო მარინე, ყოვლად ქებულო
სძალო ქრისტჴს ღმრთისაო!

კონდაკი 2

ოდეს მრავალღმრთეებისა წყუდიადსა მოეცვა
სოფელი ესე, კეთიქმნულებითა ჯორცისაჲთა და
სულისა შუენიერებითა ბრწყინავდი შენ სახლსა შინა
კერპთმსახურისა მამისასა, ხოლო გხედვიდეს რაჲ
გონებითა არა ყრმებრივითა, არამედ გონიერითა,
ქრისტეანეთა გასწავეს თაყუანისცემაჲ და დიდებაჲ
ყოვლადწმიდისა სამებისა: ალილუია.

იკოსი 2

ქრისტეანეთა მდევნელი ეპარქი ოლიმბრი მიიზიდა
რაჲ შუენიერებამან შენმან, გულსა შინა მისსა აღენტო
მოუთმენელი სურვილი, და თუ დაუტევებდი
ქრისტესა თვსსა, უდიდესთა პატივსა ცოლობისა
თვსისასა მტკიცედ აღგიტქმიდა, გარნა შენ
განზრახუაჲ იგი მძლავრისაჲ კადნიერად განაქიქე და
განკაცებული უფალი ორითა ბუნებითა წინაშე
მეკერპეთა უშიშად განადიდე, ამისთვისცა ვიხარებთ
მადლითა შენითა, მოწამეო, და ერთჯამად
გილაღადებთ:

გიხაროდენ, უმჯობესისა უდარესისაგან და კეთილისა
ბოროტისაგან განმრჩეველო;

გიხაროდენ, ყრმობითგან იესუ ქრისტეს
შემყუარებელო;

გიხაროდენ, მხოლოდსა მისისა მსახურებისა
მნებებელო;
გიხაროდენ, ჭეშმარიტისა სიბრძნისა შემთვსებელო;
გიხაროდენ, კერპთმსახურებისა საცთურისა
მომძულეებელო;
გიხაროდენ, ღმრთის დიდებისა მქადაგებელო;
გიხაროდენ, შუენიერებითა სულისა და ჯორცისაძთა
მრავალთა განმაკვრვებელო;
გიხაროდენ, სიწმიდისა და ქალწულებისა კეთილად
დამმარხველო;
გიხაროდენ, მამა-პაპათა სიბილწისა დამტევებელო;
გიხაროდენ, ღუაწლთა და მოწევნულთა
განსაცდელთა თავსმდებელო;
გიხაროდენ, ქალწულო, მიწიერისა მამისაგან ქრისტეს
სარწმუნოებისათვს დევნულო;
გიხაროდენ, ასულო ზეციერისა მამისაო, პატოსანო;
გიხაროდენ, დიდო მოწამეო მარინე, ყოვლად ქებულო
სძალო ქრისტეს ღმრთისაო!

კონდაკი 3

ოდეს მზაკუვარი იგი უმჯულოდ მრავალფერითა
სატანჯველითა კუალად გექადოდა და გაშინებდა,
შენ, გსუროდა რად გვრგვნითა მოწამეთაძთა
შემკობად, არა შეიდრვოდი სატანჯველთაგან და

დიდებათაგან აღთქმულთა, არამედ ამხილებდი
კერპთმსახურთა და ადიდებდი ღმერთსა: ალილუია.

იკოსი 3

განკვრდა მძლავრი იგი სიმკნესა შენსა და
გულისწყრომითა აღიძრა ფრიად, რამეთუ უქმ-იქმნა
განზრახვად მისი, და ბრძანა შოლტითა ცემად შენი და
დილეგსა შეყენებად, რადთა მრავალსახითა ტანჯვითა
მოგაქციოს, გარნა შენ გუემათა ფიცხელთა მწარენი
წყლულეზანი, ვითარცა რად სხვსა ჯორცითა, ახოვნად
დაითმინე და მძლავრთა უღმრთოებასა კადნიერად
ამხილე, ამისთვისცა პატივს-გცემთ, ყოვლად ბრძენო
მარინე, და შეგასხამთ გალობათა მიერ:

გიხაროდენ, ზესთა სოფლისა, უფროდს ქუეყნიერისა
შემყუარებელო;

გიხაროდენ, დროებითისა შუენიერებისა არარად
შემრაცხველო;

გიხაროდენ, თჳნიერ ზეციერისა, სიძისა სხვისა არა
მნებებელო;

გიხაროდენ, უმკურვალესად ქრისტჳსთჳს
თავდადებულო და მზაკუვარებისა დამლახვრელო;

გიხაროდენ, ნებითა შენითა მისთჳს ტანჯვათა
დამთმენელო;

გიხაროდენ, მეგჳპტურთა ბილწებათა შემრისხველო;

გიხაროდენ, მრავალღმრთეებისა საცთურისა

მამხილებელი;

გიხაროდენ, სიცრუის თაყუანისმცემელთა და

ჭეშმარიტებისა მოძულეთა მარცხვენელი;

გიხაროდენ, უბიწო, ყრმათა ქალწულთა უხილავო
მფარველო;

გიხაროდენ, სულთა განმხრწნელთა მოძღურებათაგან
დამკსნელი;

გიხაროდენ, პატიოსნებისა და მამაცობისა
დამნერგველო;

გიხაროდენ, სანთელი, გონიერთა განმანათლებელი
და უგუნურთა დამწველო;

გიხაროდენ, დიდო მოწამეო მარინე, ყოვლად ქებულო
სძალო ქრისტეს ღმრთისაო!

კონდაკი 4

შეგიყვანეს რად საპყრობილედ ადგილსა ბნელსა,
წარმოგიდგა შენ მთავარი წყუდიადისაჲ, ვითარცა
ვეშაპი საშინელი და გშთანთქა, ხოლო შენ დასწერე
ჯუარი მუცელსა მისსა და განიპო რად, გამოხვედ გარე
და არა იყო შენ თანა ვნებაჲ, გარნა მოგიხდა შენ
კუალად ეშმაკი იგი მაზრზენელი და შეგიპყრნა
ფერკნი და გრქუა: „ჟ, ქალო, კმა არს აწ შენდა“, ხოლო
შენ მსწრაფლ შეუპყრნე თმანი მისნი და დაეც რად
ქუეყანასა ზედა, დასდევ ფერკი თუსი მარჯუენს
ქედსა და სცემდი რად შუბლსა მისსა ძელსა, ეტყოდი

სარწმუნოებითა: „დასცხერ ჩემგან და ნუ მბრძავ, რამეთუ ქრისტე, ძჳ ღმრთისაჲ, შემწე არს ჩემდა და მას მხოლოსა ვაქებ ყოველსა ჟამსა: ალილუია.

იკოსი 4

დათრგუნე რაჲ მაშინებელი შენი, აჰა, ნათელი გამობრწყინდა დილეგსა შინა, ქრისტეჴს მკევალო ჭემმარიტო, და იხილე რაჲ ჯუარი ქრისტეჴსი სიმაღლესა ვიდრე ცამდე, და ტრედი ერთი ჯუარსა მას თანა, გესმა ჳმაჲ ზეცითგან: „გიხაროდენ და იშუებდე, ასულო ზეციერისა სიონისაო, რომელმან ვეშაჰი მოჰკალ და სძლე მტერსა, რამეთუ შენთჴს განმზადებულ არს გზრგზნი დიდებისაჲ, და გელიან შენ წმიდანნი ქალწულნი კართა სამოთხისათა მისლვად წიალთა აბრაჰამისთა“. მაშინ მოვიდა შენდა შეწევნაჲ საღმრთოჲ და განგკურნა ყოველთაგან სატანჯველთა, ამისთჴსცა გვიხარის, ნეტარო, რამეთუ იძლია ეშმაკი ყრმისაგან ქალწულისა და შეგასხამთ ძალისაებრ ჩუენისა:

გიხაროდენ, ბეჴედითა ქრისტეჴსითა ეშმაკთა საჭურველისა შემმუსრველო;
გიხაროდენ, წინააღმდგომთა ძალთა დამცემელო და უწყალოჲსა ბელიარისა დამამხობელო;
გიხაროდენ, ურვათა და განსაცდელთა დამაცხრობელო;

გიხაროდენ, ძალითა ჯუარცმულისადათა მტერთა
საცთურთა უჩინომყოფელო;
გიხაროდენ, სოფლისა მპყრობელისა საღმრთოდათა
მადლითა დამთრგუნველო;
გიხაროდენ, დაუცადებელითა ლოცვითა ეშმაკისა
ცთუნებათა განმდევნელო;
გიხაროდენ, კერპთმსახურებისა მკნედ გამბასრველო;
გიხაროდენ, უღმრთოებისა სიმპლისა და სიმყრალისა
განმასურნელებელო;
გიხაროდენ, გამოუცდელოთა და უჰასაკოთა
ქალწულთა ვნებულთა გულისთქუმათაგან
დამფარველო;
გიხაროდენ, სარწმუნოებითა მტკიცითა უკეთურთა
სულთა მძლეო და შემმუსრველო;
გიხაროდენ, უფლისაგან არაწმიდათა სულთა ზედა
ჯელმწიფებისა მიმღებელო;
გიხაროდენ, სატანისა მაკეთაგან და უცხო თესლთა
ზედა მოსლვისაგან დამცველო;
გიხაროდენ, დიდო მოწამეო მარინე, ყოვლად ქებულო
სძალო ქრისტეს ღმრთისაო!

კონდაკი 5

ეჰა, ვითარ ბრმა იყვნეს გონებისა იგი თუალნი
ბილწისა მის უშჯულოდასა მეკერპისა, რამეთუ
გხედვიდა რაჲ მრთელსა და სახებრწყინვალესა,

ბოროტად განძნდა და ბრძანა ფიცარსა ზედა შენი დამსჭვალვად განხურვებულთა ლურსმნითა და ასოთა შენთა დაწვად ალითა ცეცხლისაჲთა, გარნა მხილველი საშინელთა მათ და ყოვლად საზარელთა სატანჯველთა, ფრიად შეძრწუნდა და დაიფარვიდა თუალთა თვისთა, ხოლო შენ, აკურთხევდი ქრისტესა მეუფესა და ღმრთივშუენიერად გალობდი სამთა ყრმათა გალობასა: ალილუია.

იკოსი 5

ხისა მისგან გარდამოგხსნეს რაჲ ტანჯვითა გაკაფული, აღიხილე თუალნი ზეცად და ჳმა-ყავ: „უფალო, ვითარ ღირს-მყავ მე ცეცხლსა შინა გავლისა, სახელისათჳს შენისა, ეგრეთვე აწ ღირს მყავ მე შესლვად წყაროსა ნათლისღებისასა და მის მიერ მადლისა მოღებად სახელითა მამისაჲთა და ძისაჲთა და სულისა წმიდისაჲთა“, გარნა ესმა რაჲ ეპარქსა შენ მიერ ჳსენებაჲ წყლისაჲ, მყის უბრძანა მტარვალთა მოკუდინებაჲ შენი წყალსა შინა დაფლვითა, ამისთჳსცა სამართლად პატივს გცემთ, მოწამეო მარინე, და გნატრით შენ წადიერებითა:

გიხაროდენ, ტანჯვათა დათმენითა მტანჯველთა შენთა მამხილებელო;

გიხაროდენ, ახოვნებითა და სიმამაცითა სულმოკლეთა და დაჯსნილთა მარცხვენელო;

გიხაროდენ, ღუარითა სისხლთა შენთაჲთა
საცთურისა აღისა დამშრეტელო;
გიხაროდენ, უღმრთოთა სწავლებათა კადნიერებითა
დამკსნელო;
გიხაროდენ, მართლისა სარწმუნოებისა
დამნერგველო;
გიხაროდენ, ყოველთა ურწმუნოთა პირისა
დამაყოფელო;
გიხაროდენ, ზედა დასხმისაგან და ძვრთა უხილაგთა
მტერთაჲსა დამფარველო;
გიხაროდენ, ცრუ-სიბრძნითა განცოფებულთა
ჭეშმარიტებისა და სათნოებისა გზასა ზედა
დამაყენებელო;
გიხაროდენ, საღმრთოთა ცეცხლითა გულთა ჩუენთა
აღმგზნებელო;
გიხაროდენ, მვედრებელთა შენთა მსწრაფლ-
მსმენელო;
გიხაროდენ, მტერთა უკეთურთა მაოტებელო;
გიხაროდენ, ბოროტ სენთაგან შეპყრობილთა
მკურნალო;
გიხაროდენ, დიდო მოწამეო მარინე, ყოვლად ქებულო
სძალო ქრისტეს ღმრთისაო!

კონდაკი 6

აღბორკებული შთაგაგდეს რად კოდსა შინა დიდსა, წყლითა აღსავსესა, გულსა შინა თვისა ითხოვდი სულისა წმიდისა ბეჭედსა, და რომელმანცა მოუვლინა ნუგეშინის-მცემელი მოციქულთა, მანვე მოგვინა სული ჭეშმარიტებისად და აჰა, ესერა სუეტი ნათლისად და ჯუარი თუალშეუდგამი დაადგა თავსა შენსა ზედა, სანატრელო, და ტრედისა სახედ მოსრულმან სულმან დაგადგა გვრგვნი ოქროდსა, ხოლო შენ წყალთა შინა არცალა შთაითხიენ, ჰ, მოწამეთა შორის საკვრველო მარინე, და მადლითა განბრძნობილი უგალობდი ნათლისა მომცემელსა ღმერთსა: ალილუია.

იკოსი 6

მაშინ ზეგარდამოდ გაისმა ჳმად საწადელი: „მშვდობად შენდა, სძალო ქრისტჳსო უძლეველო, აწ მიიღე უხილავი გვრგვნი ჳელითა ღმრთისადთა და განისუენე ჳეცისა იერუსალჳმსა“, და ანგელოზმან უფლისამან მსწრაფლ განგანთავისუფლა ყოველთა საკვრველთაგან და კუალად განგკურნა მრავალფერთა წყლულებათა ჳორცთა შენთადთა, რადსთვსცა მდგომარენი ლოცვათა შინა ღმობიერად და ცრემლითა შეგივრდებით და გევედრებით, ღირსო მოწამეო, მეოხ გვეყავ მგალობელთა შენთა:

გიხაროდენ, რამეთუ შეისმინა უფალმან ღმერთმან
ჴმად ვედრებისა შენისაჲ და გარდამოგივლინა სული
სახედ ტრედისა;

გიხაროდენ, რამეთუ მადლი ღმრთისაჲ განცხადნა
წინაშე ყოველთა ერთა;

გიხაროდენ, რამეთუ დაემტკიცა შენზედა ბეჭედი
სულისა წმიდისაჲ, უბიწოდ და შეუგინებელად;

გიხაროდენ, რამეთუ წყალსა მას მიეცა მადლი
გამოჴსნისაჲ და კურთხევაჲ იორდანისაჲ;

გიხაროდენ, რამეთუ გამოჩნდა წყლად სიწმიდისა და
გამწმენდელ სულთა და ჴორცთაჲსა;

გიხაროდენ, რამეთუ წყალი ეგე იქმნა განმბანველ
ძუელისა მის კაცისა განხრწნადისა და სამოსლად
უხრწნელებისა;

გიხაროდენ, რამეთუ განათლდი ნათლითა
დაუბადებელისა სამებისაჲთა;

გიხაროდენ, რამეთუ მოგემადლა შენ მეორედ შობაჲ
წყლითა და სულითა;

გიხაროდენ, რამეთუ დაცულ იქმენ და შემკულ
ნათლისღებითა;

გიხაროდენ, რამეთუ ქრისტე შეგიტოხზვიდა ზეცისა
გზრგზნსა;

გიხაროდენ, რამეთუ შეიმოსე სამოსელი
სიმართლისაჲ;

გიხაროდენ, რამეთუ განახლდი და აღაორძინე წინდი

იგი მადლისად;

გიხაროდენ, დიდო მოწამეო მარინე, ყოვლად ქებულო სძალო ქრისტეს ღმრთისაო!

კონდაკი 7

ეჰა, რაბამი დიდებულებად შეგძინა შენ სიმკნემან, სანატრელო, რამეთუ სულისა მიერ განათლდი და დაამხუ ძალი ეშმაკისად თანა შეწევნითა ქრისტესითა, მას ევედრე, პატიოსანო ქალწულო, ყოფად ჩუენდა და დამკვდრებად ზეცისა სიონსა, რადთა კრებულსა თანა მართალთასა უგალობდეთ ყოვლისა შემოქმედსა: ალილუია.

იკოსი 7

იხილეს რად სასწაულნი ღმრთისანი, განცხადებულნი შენ ზედა, სიმრავლემან დედათა და მამათამან ქრისტე აღიარა, და მოწამეობრივი აღსასრული მიითუალა, ნათელ-ილო რად სისხლითა თვისითა, ეგრეთცა ჩუენ წყალობითა მოგუხედენ და გვკსენ რწმენისაგან არა ცხოველისა და ნელტფილისა, რადთა სიმკნესა შენსა ვნატრიდეთ, წმიდაო მოწამეო მარინე, და გაქებდეთ წადიერებითა:

გიხაროდენ, გუემათა დათმენითა უხილავისა მტერისა მომწყლველო;

გიხაროდენ, ამოდსა ცხორებისა მომძულეებლო;
გიხაროდენ, ღუაწლისა კეთილისა შრომითა და
სისხლითა მომღუაწებლო;
გიხაროდენ, სანატრელისა ცხორებისა მომვაჭრებლო;
გიხაროდენ, განდგომილთა და უარისმყოფელთა
მომაქცეველო;
გიხაროდენ, ურწმუნოთა სიმართლისა და
ჭეშმარიტებისა გზასა ზედა მომყვანებლო;
გიხაროდენ, მამაცობისა და ურყევისა სიმტკიცისა
მომნიჭებლო;
გიხაროდენ, ცილისმწამებელთა და მაგინებელთა
მამხილებლო;
გიხაროდენ, ამპარტავანთა და მზვაობართა
მარცხვენლო;
გიხაროდენ, გრძნებისმოქმედთა და მჩხიბავთა
ზარდამცემო;
გიხაროდენ, ქრისტეანეთა ქალწულთა ცხორებისა
წესისა აღმამაღლებლო;
გიხაროდენ, ყოველგვარ ბოროტთა ზნე-ჩუეულებათა
და ბიწიერებათა ძლიერად დამთრგუნველო;
გიხაროდენ, დიდო მოწამეო მარინე, ყოვლად ქებულო
სძალო ქრისტეს ღმრთისაო!

კონდაკი 8

დაელინეს ღონენი იგი სატანჯველთან უღმრთოსა
მას, ნეტარო, და მსგავსად სამსხუერპლოდსა
ზუარაკისა განაჩინა შენი დაკლვად, გარნა ლოცვითა
და სარწმუნოებითა აღჭურვილმან მოუდრიკე ქედი
შენი მახვლსა, და კმითა გალობისაჲთა შეჰვედრე
სული შენი ღმერთსა: ალილუია.

იკოსი 8

ვითარცა ცხოვარი დაგკლნეს რაჲ მკეცთა ბოროტთა
მახვლითა, სული შენი ყოვლადბრწყინვალჲ
მრავალვნებულსა გუამსა შინა მკვდრი განვიდა,
კელთა მიერ ყოვლისმპყრობელისაჲთა შეიწყნარეს და
დაემკვდრა ზეცისა იერუსალჲმსა უხილავთა მათ შინა
კეთილთა, გარნა უხრწნელი გუამი შენი, ნეტარო,
აღმოუცენებდა მრავალსურნელებასა
საკვრველებათასა შემსხმელთა შენთა:

გიხაროდენ, მძლავრთა მიერ სიმართლისათჳს
დევნულო;

გიხაროდენ, ძალითა ცხოველს-მყოფელისა
ჯუარისაჲთა განძლიერებულო;

გიხაროდენ, წყლულთა უფლისა შენისაჲთა ჯორცთა
შენთა ზედა მიმღებულო;

გიხაროდენ, ზუარაკო წმიდაო და უბიწოო,

ქრისტესთვის სისხლისა დამთხვევლო;
გიხაროდენ, ტარიგო განწმედილო, ზეცისა
საკურთხეველსა შეწირულო;
გიხაროდენ, სისხლთა შენთა მიერ საქორწინოდასა
სამოსელისა შემოსველო;
გიხაროდენ, წარმავალისა დიდებისა წილ წარუალისა
ნათლისა მომღებელო;
გიხაროდენ, გუნდსა თანა უჯორცოთასა ცათა შინა
მიწვთომილო და სასწაულთმოქმედო;
გიხაროდენ, ახოვანთა ქრისტეს მოწამეთა ბანაკთა
აღრაცხულო;
გიხაროდენ, ქალწულო, ქალწულ დედოფალთან
მიახლებულო;
გიხაროდენ, უხრწნელითა ნაწილებითა
განდიდებულო და მათ მიერ პირველ ანტიოქიისა,
ხოლო შემდგომად კონსტანტინეპოლისა
განმასურნელებელო;
გიხაროდენ, წმიდათა და უხრწნელთა ჯელთა
შენთათვის დედისა ღმრთისა წილხდომილთა მხარეთა:
ივერიისა და ათონისა მთისა აღმრჩეველო;
გიხაროდენ, დიდო მოწამეო მარინე, ყოვლად ქებულო
სძალო ქრისტეს ღმრთისაო!

კონდაკი 9

მარადის ვაქებთ რაჲ ღუაწლთა და სასწაულთა შენთა სიმრავლესა, მოვიკსენებთ დავით მეფსალმუნისა მიერ თქმულსა წინაღსწარმეტყუელებითა: „განვლეთ ჩუენ ცეცხლი და წყალი და გამომიყუანენ ჩუენ განსაცდელთაგან“, რამეთუ შენ საქმითა აღასრულე, გამოიცადე რაჲ ცეცხლითა და წყლითა, და გზრგზნითა მარტვლთაჲთა შემკული ქრისტჳს მოწამეთა თანა ღაღადებ კადნიერად: ალილუია.

იკოსი 9

არა დაჰფარნა ღმერთმა შრომანი შენნი, წმიდაო, არამედ ნიშთა და სასწაულთა მიერ განჰსთქუა ბრწყინვალებაჲ მოღუაწებათა შენთაჲ და ყოველთა შორის საწადელ-ყო კსენებაჲ შენი, მოწამეთა შორის დიდებულო მარნე, ამისთვსცა განმადიდებელსა შენსა ქრისტესა ვადიდებთ, და ვითარცა მკურნალისა და მეოხისა მიმართ სასოებითა მოღტოლვილნი ერთ-ჯმობით გიღაღადებთ:

გიხაროდენ, წმიდათა თანა სავანე ქმნილო და მეოხო სულთა ჩუენთაო;

გიხაროდენ, ღმრთივმონიჭებულო შემწეო ქალწულთა და დედათაო;

გიხაროდენ, შესავედრებულო და მწყალობელო

გლახაკთაო;
გიხაროდენ, მეოხო ქურივთა და ობოლთაო;
გიხაროდენ, ნუგეშინისმცემლო ტანჯვითა
დამწუხრებულთა და მგლოვარეთაო;
გიხაროდენ, განმაბრძნობელო მდევენელთა და
მჩაგვრელთაო;
გიხაროდენ, ნავთსაყუდელო და მსმენელო ყოველთა
ჩაგრულთა და პყრობილთაო;
გიხაროდენ, მამხილებელო ცრუთა და მზაკუვართაო;
გიხაროდენ, დამამდაბლებელო მოშურნეთა და
ცილისმწამებელთაო;
გიხაროდენ, მხიარულმყოფელო ანგელოზთაო და
სირცხვილეულმყოფელო ეშმაკთაო;
გიხაროდენ, მსწრაფლ-შემსმენელო ყოველთა
ჭეშმარიტებისა მომართ მოსწრაფეთაო;
გიხაროდენ, დაუძინებელო მცველო სახელისა შენისა
მომქსენებელთაო;
გიხაროდენ, დიდო მოწამეო მარინე, ყოვლად ქებულო
სძალო ქრისტეს ღმრთისაო!

კონდაკი 10

რომელმან მრავალ-სახს სალმოზად ტკივილთად თავს
იდევ და მადლი მიიღე ღმრთისა მიერ სალმოზისა და
ტკივილისა განდევნად, აწ საკვრველებათა სასწაული
ჩუენ ზედაცა აჩუენე, წმიდაო, და უძლოურებანი

განჰკურნენ მოსავთა შენტა და ჰსენებისა შენტისა სურვილით მედლესასწაულეთა, რადთა მადლიერებითა აღვსილნი გნატრიდეთ, და მარადის უგალობდეთ უკუდავსა მეუფესა და ღმერთსა: ალილუია.

იკოსი 10

ვნებათა თავსდებითა მადლი არა წმიდათა სულთა განდევნისაჲ და ძვრთა უხილავთა მტერთა დათრგუნვიდ მოიღე რად ზეგარდამო, უხრწნელნი ნაწილნი შენნი ჰკურნებს სენტა სიმრავლესა, ეშმაკთა განიოტებს და ახარებს ყოველსა სოფელსა, ამისთჳსცა აღჰძრვით მოსწრაფებით, სამ-გზის სანატრელო, და ტაძრად შენდა მყის სრბად მოწევნულნი ვლადადებთ წადიერად:

გიხაროდენ, ბრძენო ქალწულო, მქონებელო მანათობელისა ლამპრისაო;

გიხაროდენ, ქუხილო საღმრთოჲსა ქადაგებისაო;

გიხაროდენ, ტაძარო უმანკოებისა და სიწმიდისაო;

გიხაროდენ, მურო, ნელსაცხებელად შეწირულო უკუდავისა მეუფისაო;

გიხაროდენ, გუნდრუკო, აღკმეულო საღმრთოჲსა მის საკურთხეველისაო;

გიხაროდენ, უმტკიცესო და უპატიოსნესო უფროჲს ანდამატისაო;

გიხაროდენ, რქაო შუენიერო საღმრთოღსა ვენახისაო;
გიხაროდენ, ნერგო ჭემმარიტო წმიდისა და
სამოციქულოღსა ეკლესიისაო;
გიხაროდენ, კეთილსულნელოვანო ყუავილო
სამოთხისაო;
გიხაროდენ, გზაო უცთომელისა ცხორებისაო;
გიხაროდენ, ცხოვარო პირმეტყუელო ქრისტჳს
წმიდისა სამწყსოღსაო;
გიხაროდენ, ტრედო მშვიდო და უმანკოო,
აღფრენილო ზეცასაო;
გიხაროდენ, დიდო მოწამეო მარინე, ყოვლად ქებულო
სძალო ქრისტჳს ღმრთისაო!

კონდაკი 11

უბიწოებითა გიცნობთ შენ მორწმუნეთა კრებულნი,
მოწამეო, და მოღუაწებისა ძეგლად საცნაურად
გხადით და მჭურვალედ გევედრებით: გაგუანათლე აწ
ღელვითა ცოდვისაღთა დაბნელებულნი და სოფლისა
შფოთითა ყოვლითურთ დანთქუმულნი, და
მოგვანიჭე ჩუენ სიმჴნჳ და პატიოსნებაჲ და ამაო-
ჰყვენ საფრთჴენი და საბრკოლონი მტერთანი, რაღთა
განწმედილთა ბაგითა საღმრთოსა ამას გალობასა
ვიტყოდეთ ყოველნი: ალილუია.

იკოსი 11

გამოჩნდი რაჲ ბრწყინვალედ მნათობად, ღუაწლისა მძლეო ქრისტჳს მოწამეო მარინე, მოციქულთა სწავლისაებრ წყუდიადი მრავალღმრთეებისაჲ განაქარვე და ურიცხვ ერი განანათლე, ეგრეთვე აწ დაშრიტე ერსა ჩუენსა ზედა აღძრულნი უკეთურთა ზრახვანი და ქალნი და ყრმანი ჩუენნი იკსენ ვნებათაგან ყოვლად წარმწყმედელთა და ურცხვინოებისაგან დაიფარენ, რადთა მართლითა სარწმუნოებითა განკრძალულნი მარადის გიგალობდეთ და წადიერებითა გაქებდეთ:

გიხაროდენ, ლამპარო ბრწყინვალეო, უღმრთოებისა წყუდიადისა განმაბნეველო;

გიხაროდენ, საკვრველებათა ცისკრითა მოსავთა შენთა განმანათლებელო;

გიხაროდენ, საღმრთოდთა ღუაწლითა შენითა უჯორცოთა წესთა განმაკვრვებელო;

გიხაროდენ, უძღურისა და შერყეულისა ნებისა განმამტკიცებელო;

გიხაროდენ, სენთა მრავალფერთა და სნეულებისა განმკურვნელო;

გიხაროდენ, ჭირთა მძვნვარეთა მსწრაფლ განმდევნელო;

გიხაროდენ, ბოროტთა სულთაგან შეპყრობილთა

გამომჴსნელო;
გიხაროდენ, ცრუ-მორწმუნეობისა მწიკულისა
განმბანველო;
გიხაროდენ, ვერცხლისმოყუარეობისა უღლისაგან
განმათავისუფლებელო;
გიხაროდენ, საეშმაკოდსა ბადეთაგან განმარინებელო;
გიხაროდენ, ყრმათა ყოვლისა სიბილწისა და
მანკიერებისაგან დამჴსნელო;
გიხაროდენ, ზღუასა შინა სღვისა და ხმელთა
ამბოხისაგან დამცველო;
გიხაროდენ, დიდო მოწამეო მარინე, ყოვლად ქებულო
სძალო ქრისტჴს ღმრთისაო!

კონდაკი 12

ბრწყინვალე არს სახელი შენი და დიდებულ არს
საჴსენებელი შენი, მოწამეთა შორის დიდებულო
მარინე, რამეთუ დედობრივისა ბუნებისა
უძლურებითა ღუაწლსა მამაკაცებრ ახოვნად
შეკადრნე და გზრგზნითა მარტვლთაჲთა შემკული
ზეცისა დიდებასა მიემთხვიე, სადა იგი იშუებენ
გუნდნი მოციქულთანი, განსცხრებიან კრებულნი
წინადსწარმეტყუელთანი, სუფევენ დასნი მღდელთაჲ
და მამათაჲ, და უფროდს მოწამენი ბრწყინავენ, და
ყოველნი ერთბამად უფალსა უგალობენ: ალილუია.

იკოსი 12

სიხარულითა აღივსების და იქადის აწ ვათოპედისა მონასტერი და მის თანა ოდიში, - უხრწნელთა ჳელთა შენტა მწიაღებელნი, რამეთუ უშურველად აღმოადინებენ მადლსა და წყალობასა, ხოლო ამბორისმოფელნი მისნი მოიღებენ კურნებასა სულთასა და სიმრთელესა ჳორცთასა, ამისთჳს გულსმოდგინედ მივისწრაფჳთ ნაწილთა შენტა საყოფელთა და ტადართა შენტა შუენიერთა, რადთა კურნებადცა აღმოვივსოთ მოყუარეთა შენტა და ესრეთ მაქებელთა:

გიხაროდენ, დიდებაო მოწამეთაო და ბრწყინვალებაო ქალწულთაო, რამეთუ გამოკრთი შენ ქუეყანასა ჴედა, ვითარცა ვარსკულავი ცისა მნათობი;

გიხაროდენ, ფრიად შუენიერო საღმრთოო სძალო, რამეთუ წინამბრძოლ იქმენ კეთილმსახურებისა;

გიხაროდენ, უძლეველითა ღუაწლითა ბრწყინვალეო, რამეთუ ჳუარცმული ქრისტე გაქუნდა ჴლუდედ და ძალად;

გიხაროდენ, მართლმადიდებლობითა მოქადულო, რამეთუ მოღუაწებისა სიმჳნწ კეთილად შეიჭურვე;

გიხაროდენ, წინადსწარმეტყუელთაგან სანატრელო, რამეთუ მტერისა ამჳარტავნებად ქუეყანად დააკუეთე;

გიხაროდენ, მღდელმოდღუართა მიერ საქებელო,

რამეთუ კერპთა იგი ბილწი საზორველი და ეშმაკთა
ბომონნი სრულიად დაამხუე;
გიხაროდენ, უმახვლესო, რამეთუ ძლიერად განგმირე
ზეცით გარდამოვრდომილი იგი გუელი;
გიხაროდენ, ზეციერისა ეშმაზისა მიერ განწმედილო,
რამეთუ ივლტოდნენ შენგან ყოვლადმზაკუარნი
ეშმაკნი და მოგეახლებოდნენ ანგელოზნი;
გიხაროდენ, უმსჯავროდ უწყალოსა სიკუდილსა
მიცემულს, რამეთუ საღმრთოდ სარბიელი ღუაწლითა
შენითა სრულ-ჰყავ კეთილად;
გიხაროდენ, გვრიტო უბიწო, რამეთუ დათა შენთა
მარტვლთა თანა იშუებ საუკუნოდ დიდებითა
საუკუნოდთა;
გიხაროდენ, შემწეო ყოველთა განწირულთაო, რამეთუ
კურნებისა მდინარედ და სასწაულთა საუნჯედ
სულიერად აქუ შენ ყოველთა მორწმუნეთა;
გიხაროდენ, ნუგეშო და სასოებაო დამწუხრებულთა
დედათაო, რამეთუ მიჰმადლებ თხოვათა მათთა;
გიხაროდენ, დიდო მოწამეო მარინე, ყოვლად ქებულო
სძალო ქრისტეს ღმრთისაო!

კონდაკი 13

ჟ, ჭეშმარიტად საკვრველო და ახოვანო მოწამეო
მარინე! ნუ გარე მიიქცევ პირსა შენსა ჩუენგან, არამედ
ლოცვითა შენითა დაგვცევ ხილულთა და უხილავთა

მტერთა მრავალ-საფრკეთაგან და გზკსენ ვნებათაგან
სულიერთა და სენთაგან კორციელთა, რაფთა ღირს
ვიქმნეთ სასუფეველისა ნეტარებასა და შენთანა
ვუგალობდეთ სამეზისა ერთარსებასა: ალილუია.

ავტორ-შემდგენელი: თინათინ მჭედლიშვილი

